

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajućeg Skupštine Kantona Sarajevo

Uputiti: Vladi Kantona Sarajevo, Ministarstvu zdravstva Kantona Sarajevo i JU Apoteke Sarajevo

PREDMET: ZASTUPNIČKA PITANJA – Nabavka i promet vaginalnih preparata (vagitorija)

Poštovani,

Upućujem sljedeće **zastupničko pitanje** Vladi Kantona Sarajevo, Ministarstvu zdravstva Kantona Sarajevo i JU Apoteke Sarajevo, a u vezi sa informacijama koje su se pojavile u javnosti da je JU Apoteke Sarajevo izvršila nabavku većih količina vaginalnih preparata (vagitorija) od privatnih dobavljača/proizvođača.:

Molim da se dostave **precizni, dokumentovani i potpuni odgovori**, kako slijedi:

1. Nabavka i količine

- Da li je tačna informacija da je JU Apoteke Sarajevo naručila i/ili nabavila **vagitorije** od firme „Point Wellness & Spa“, proizvođača „Pharmamed“ iz Travnika?
- Koje tačne količine vagitorija od proizvođača „Pharmamed“ iz Travnika su nabavljene, u kojem periodu i ko je sve bio isporučioc?

2. Postupak javne nabavke

- Na koji način je provedena nabavka (otvoreni postupak, direktni sporazum, pregovarački postupak ili drugi model)?
- Koliko je ukupno **budžetskih sredstava izdvojeno** za ovu nabavku?
- Ko su tačno **dobavljači/isporučioci**?

3. Pravni i regulatorni status preparata

- Da li su navedeni preparati registrovani kao lijek, medicinsko sredstvo ili dodatak ishrani?
- Da li su isti **registrovani i verifikirani kod Agencija za lijekove i medicinska sredstva Bosne i Hercegovine**, te molim dostaviti dokaz o registraciji ili odobrenju za promet?

4. Klinička ispitivanja i stručna validacija

- Da li su za navedene preparate provedena klinička ispitivanja?
- Kada, gdje i u kojim zdravstvenim ustanovama su provedena?
- Ko su odgovorni istraživači i stručnjaci koji su vodili ispitivanja?

5. Način promocije i indikacije

- Da li se ovi preparati u apotekama ili promotivnim materijalima predstavljaju ili preporučuju kao dio programa **prevencije HPV infekcije ili karcinoma grlića materice?**
- Ukoliko da, na osnovu kojih naučnih i regulatornih dokaza?

Cijeneći da su **vakcine jedina naučno i klinički dokazana metoda prevencije HPV infekcije**, smatram da je izuzetno važno spriječiti svako moguće dovođenje građana u zabludu ili promociju preparata bez dokazane medicinske efikasnosti, što bi moglo imati ozbiljne posljedice po javno zdravlje.

Kao ljekar i subspecijalista ginekološke onkologije, zahtijevam da Ministar zdravstva i direktorica JU Apoteke Sarajevo dostave **potpune, precizne i argumentovane odgovore**, uz svu prateću dokumentaciju.

S poštovanjem,

S  evo